

# Ахир-дүүнр болгч олн келн-ämtсин ницнъгъү бүлд

Советск орн-нутгин олн келн-ämtс, Октябрьск социалистическ революцин 40-ч өбниг ик производственн болн политическ өргмджтэгъяр госдж йовна. Класс уга коммунистическ джиргъл тосхлгъни цуг зүсн халхар, тууджргч ик диилврмүд бәрдж, орн-нутгмдн эн алдр өдрмүдт байрин ик уктлгъ белдджәнә. Мана Төрснә олн-ämtн, алдр диилврмүдән, Ленинә туг дор, коммунистическ партин дамшлтта гардврт бәрсн мөн.

Алдр Октябрьск революцин төлә ноолддж, гражданск даяна цагла диилвр бәрдж, газдин ордудин интервенциг дардж авч, төвкнүн цагла ахугъан, культуран хурдар босхдж, төрсн орн-нутган харсгч даянә джилмүдтә залу-зөрмг кевәр ноолддж, нарт делкән цуг äмтсд өврмдж болдж, ода чигн ик туургсн нертә кевәр кōдлдж, тууджин ик ут хаалгъ давдж, мана Төрә олн-ämtн, коммунизмин диилврт ирв.

Эн тууджд оргч ноолданд, цуг олн келн-ämtсин, ахирдүүнр болдж эвдрлт уга ницлгънь улм чанъгърдж батрв, Коммунистическ партинь болн гарлцсн Советск правительствиннь эргнд эдн үзгдәд уга кевәр хамцв.

Туургсн нертә мана коммунистическ партъ, келн-ämtнә ленинск политикиг гүн ухагагъар, ик ицлттә кевәр күцәджәхин учрар, мана орн-нутгин олн келн-ämtсин нерднь туурв, теднә эдл-ахунь болн культурнь тууджд соньсгдад угагъар делгрдж өөдлв. Урднь, хаана, хуучн цагла, ик даджрлгънд, мухлаллгънд йовцхасн, келн-ämtс, цуг олн зүсн халхарн, ик уралан йовдж дв.

Цуг эн тоотиг авад хәләхлә, ноолданд алдршсн мана Куммунистическ партин, келн-

ämtсин ленинск политик, делгрдж диилснә учр болджана.

Хальмг, карачаевск, балкарск, чеченск болн ингушск келн-ämtсин автономиг хәрү босхдж өглгъиг, келн-ämtсин ленинск политикин амлдж келдж большго нильч болн түүнә алдр ик диилвр гидж нерәдх зөвтәвдн. Эн келн-ämtс, ахир-дүүнр болгч СССР-н олн келн-ämtсин ницнъгъү бүлд, байрта, омгшргсн седкл-ухатагъар орцхав.

Коммунизмин алдр күцләр омгшрсн, эн келн-ämtс, Ленинә кергүдин диилврин алдр нерни төлә кōдллгънәс чидлән, седклән хармнх санан уга. Эврәннь экономикән болн культуран эдн ик омгта кевәр, шунлттагъар, гүдждрдж өөдлүлдж йовцхана.

Хальмг келн-ämtс, танъгъчин цуг күч-кōлсчнр, СССР-н цуг олн келн-ämtслә нег зергләнд, теднлә ахир-дүүнр болдж, теднә ницнъгъү бүлд, эврәннь эдл-ахугъан, селәнә халхин төрмүдиг, промышленостян, транспортан болн культуран цааранднь улм өргдждүлдж, делгрүлдж йовна.

Эн төрмүдән күцәлгънднь мана хальмг танъгъчд, Коммунистическ партъ болн Советск правительств, тасрхан уга оньган өгч, ик гидгәр дөнъ-нөкд үзүлджәнә. Партин болн Правительствин үзүлджәх тиим ачд хәрү өгч, хальмг келн-ämtс болн танъгъчин цуг күч-кōлсчнр, чидлән әрвлл уга кōдлджәцхәнә.

Хальмгин күч-кōлсчнрт күцәх, хагълх төрмүд йир олн. Болв, кōдлмш ик гидж бидн әәджәхшивдн.

Коммунистическ партинь дамшгта гардврт, кōдлмш ямаран болвчн кегъад бийән медүлчксн, танъгъчин күч-кōлсчнр, эн саамд чигн, өмн бәәх төрмүдән даяч кевәр күцәддж, нерән дуудулхнь лавта.